

## Stjórnarbrjef og auglýsingar.

— *Brjef landshöfðingja til sýslumannsins í Árnessýslu um húsaskatt á verzlunarstöðum.* — Í þóknanlegu brjefi 23. f. m. hafið þjer, herra sýslumaður, jafnframt því að geta þess, að virðingarmennirnir á verzlunarstaðnum Eyrarbakka hafi ekki talið í-búðarhúsið, sem þar er, meðal þeirra húsa, sem virt eru þar til húsaskatts fyrir því, að kaupmaðurinn hafi bú á jörðinni Skúmstöðum, en húsið stendur á lóð þeirrar jarðar, — gjört þá fyrirspurn, hvort nefnt hús sje undan þegið gjaldi, samkvæmt lögum frá 14. desember 1877 um húsaskatt.

3. jan.

Af þessu tilefni vil jeg hjer með þjónustusamlega vekja athygli yðar, herra sýslumaður, að því, að 1. gr. nefndra laga leggur með berum orðum tjeð gjald á öll hús í kaupstöðum og verzlunarstöðum landsins, svo framarlega sem þau eru fullra 500 kr. virði og að lögin leyfa enga undanþágu frá þessu, aðrar en þær, sem nefndar eru í 2. gr. Sú undanþága frá að greiða húsaskatt, sem lögin heimila þeim húsum, er ekki heyra til jörð, sem metin er til dýrleika, gildir þannig, eins og líka er skýrlega tekið fram í lögnum, einungis um þau hús, sem liggja fyrir utan lóð kaupstaðanna og verzlunarstaðanna.

Þar sem þjer, herra sýslumaður, hafið enn fremur spurt, hvort hús á verzlunarstað, sem eru bygd bæði af timbri, torfi og grjóti, sjeu gjaldskyld eptir hinum nefndu lögum, bæti jeg því hjer við, að efnið, sem húsið er byggt úr, hefir eptir ákvörðun laganna alls engin áhrif á gjaldskylduna, því hún er eins og áður er sagt, einungis komin undir því, að húsið sje virt 500 kr. eða þaðan af meira.

— *Brjef landshöfðingja til stiptsyfirvaldanna um handbók presta.* — Þar eð það samkvæmt skýrslu stiptsyfirvaldanna er nauðsynlegt, að prentað sje nýtt upplag af handbók presta, og með því að Einar prentari Þórðarson hefir boðizt til að kosta 200 expl. upplag af bók þessari, og selja hana innbundna fyrir 2 kr. 25 a. gegn því, að hann öðlist forlagsrjett að Balles lærdómsbók og Balslevs bifíusögum, eins og bækur þessar nú eru, og selji þær með sama verði og þær hingað til hafa verið í, hefi jeg samkvæmt skýringum stiptsyfirvaldanna í þóknanlegu brjefi frá 17. f. m. fallizt á nefnt tilboð, þó með því skilyrði, að prentarinn einnig skuldbindi sig til að hafa lokið prentun handbókarrinnar um næstkomandi sumarmál.

2  
9. jan.

Þetta er hjer með tjáð stiptsyfirvöldunum til þóknanlegrar leiðbeiningar og birtingar fyrir Einari prentara Þórðarsyni.

— *Brjef landshöfðingja til beggja amtmanna um útbýtingu á stjórnartíðindum til hreppstjóra.* — Eptir að ráðgjafinn með brjefi frá 6. nóvbr. f. á., sem prentað er í stjórnartíðindum 1878 B 171, bls. 164 hefir samþykkt, að eitt expl. af B deild stjórnartíðindanna megi frá 1. janúar 1879 verða sent ókeypis hverjum hreppi landsins til afnota fyrir viðkomandi hreppstjóra gegn því, að hann sje skyldur til

3  
10. jan.

Hinn 1. febrúar 1879.

3  
10. jan. að geyma tíðindin, og á sínum tíma afhenda þau eptirmanni sínum í hreppstjórninni, vil jeg hjer með þjónustusamlega skora á yður, herra amtmaður, að hlutast til um, að þetta verði kunngjört í umdæmi yðar, svo og að leggja fyrir sýslumennina að sjá um útbýtingu viðkomandi exemplara til hinna einstöku hreppa hvers um sig. Í þessu tilliti munu sýslumönnum verða send hjeðan með póstum að minnsta kosti fjórum sinnum á ári saman við þau expl. af stjórnartíð. A, er samkvæmt brjefi mínu frá 1. ág. f. á. (Stjórnart. 1878 B. 108) eru send sýslumönnum til útbýtingar meðal hreppstjóra, jafnmörg expl. af B deild stjórnartíðindanna, og ber sýslumönnum þar eptir svo fljótt, sem unnt er, að útbýta þeim þannig, að hver hreppur sýslunnar fái 1 expl. — Þar að auki ber þeim að því er unnt er, að hafa eptirlit með því, að hreppstjórar geymi expl. þau af A og B deild stjórnartíðindanna, er þeim eru send, og þegar þeir á sínum tíma fara úr hreppstjórninni afhendi þau eptirmanni sínum.

Sýslumenn skulu, undir eins og þeir taka við stjórnartíðinda-sendingu, gæta að því, hvort nokkuð vanti í hana, og ef svo er, tafarlaust gefa ritstofu landshöfðingja skýrslu um það.

4  
11. jan. — *Brjef landshöfðingja til stiptysfirvaldanna um skatt af embættistekjum presta.* — Í brjefi frá 27. f. m. hafa stiptysfirvöldin látið í ljósi álit sitt um fyrirspurn prestsins á Vestmannaeyjum viðvíkjandi skyldu hans til að greiða tekjuskatt, og segið þjer meðal annars þetta:

1, Þar eð presturinn sjálfur býr á prestssetrinu Ofanleyti, og arðurinn af ábúð þess þannig rennur beinlínis til hans sjálfs, virðist hann eptir niðurlagsákvörðuninni í 5. gr. í lögum um tekjuskatt frá 14. desbr. 1877 ekki eiga að greiða þenna skatt af tekjum þeim eða tekjuauka, sem hann má álitast að hafa við það, að honum eru veitt leigulaus afnot prestssetursins.

3, Þegar prestur missir nokkurs í af embættistekjum sínum fyrir þá sök, að þær í raun og veru eru ófáanlegar hjá gjaldþegnum sökum örbyrgðar þeirra, þá virðist ekki eiga að reikna með sem skattskyldar þær tekjur, er þannig missast og ekki koma prestinum að neinum notum, án þess að hann geti við því gjört. Þar á móti virðist ekki næg ástæða til að undantaka þær tekjur frá skattinum, sem presturinn að vísu ekki hefir fengið, en sem hann sjálfur hefir eptirgefið, ef til vill af því, að hlutaðeigandi gjaldþegn átti bággt með að greiða þær af hendi, en samt sem áður án þess, að það sje sannad, að ekki hafi verið mögulegt að ná þeim hjá gjaldþegnum; en þetta virðist meiga álíta eptir ástæðum nægilega sannað, ekki einungis þegar gjörð hefir verið árangurlaus fjárnámstilraun hjá hlutaðeiganda, heldur einnig, þegar það að öðru leyti er vitanlegt, að hann er hreinn öreigi, t. a. m. þegar maður á gjalddaga hefir flosnað upp sökum bjargarleysis, svo að sveitin hefir orðið að taka heimilið að sjer til ráðstöfunar og framfærslu.

Með því jeg er yður samdóma um það, sem þjer þannig hafið tekið fram, vil jeg biðja yður að svara hlutaðeigandi presti samkvæmt þessu.

5  
21. jan. — *Brjef landshöfðingja til beggja amtmanna um gjaldheimtur og reikningsskil.* — Með umburðarbrjefi frá 16. maí 1876 (stj.tíð. B 51) til bæjarfógeta, sýslumanna og umboðsmanna um gjaldheimtur og reikningsskil, var það brýnt fyrir nefndum